

多
歲
堂
詩
集

多歲堂詩載賡集卷上

乾隆壬子扈
避暑山莊恭和章

臣
成書

恭和 御製啟蹕幸避暑山莊卽事元韻

翠蹕時臨遊豫地紫雲常擁 帝天居風前旌旆

隨車轉雨後郊原繡錯如 北祀明禋通潤澤西

成多黍兆盈餘 渥恩逾格蠲租半端爲勤民勵

德輿

恭和 御製過清河橋卽事雜咏元韻

依旬 天錫滂沱雨傍 輦橋通浩蕩波萬彙迴

春皆 帝澤新苗孔碩舊如何

匝地青塍經雨潤連天翠剡引風長生成總荷陶
鈞力 聖德如天讓未遑

皇畿四野均膏澤已卜豐年黍稌多猶道一隅沾
未徧 恩綸遙問近如何

恭和 御製曉行一律元韻

短長亭堠記行途 玉輦經臨氣象殊民俗自來
敦古處 聖心隨在見真吾曉來煙樹還疎密雨
後嵐光乍有無豈獨甘膏徧禾稼郊原草木盡同

蘇

恭和 御製出古北口作元韻

複嶺迴垣拱 闕廷 翠華歲歲此常經雄關自

古分灤薊 聖世於今若戶庭宿雨未收千澗合

晴雲欲斂衆山青蕩平萬里遵 王路鑿道何煩

問五丁

恭和 御製至避暑山莊卽事元韻

喜雨曾傳玉局蘇何如 天筆紀行殊三番甘澍

隨 清蹕一路新畬到 上都山水清暉吟謝客

農桑恒業策夷吾卽今氣象灤京是
祖澤綿綿
慶永圖

恭和 御製永佑寺瞻禮元韻

法駕朝臨紺宇前一年一度致精虔
衣冠對越

思顯若檜柏陰森意肅然
祖澤昭垂靈濯濯

聖心無間日乾乾嘉名肇錫欽承凜
永佑 皇

圖億萬年

恭和 御製題繼德堂元韻

神堯創制規模遠 聖 聖相承景運開 清殿

仍依茅土舊 屬車豈爲豫遊來
萬年傑構功深矣 兩字題名
意旨哉 弼我不基傳奕世
天章炳煥有新裁

恭和 御製西峪元韻

溫溫長養風 霖霖知時雨
山苗滋潤澤 舊長新亦吐
聖主雇民依 每念夏畦苦
扇景與澍甘 萬物得其所
轉盼見秋成 有年書自古
西峪幸宸遊 草木咸快睹
迴蘇欣帝澤 生意何楚楚

恭和 御製題秀起堂元韻

秀起堂高停 玉輦無邊光景望中過 傍山阡陌
青如許得雨鋤犁快若何會際 宸遊觀力穡還
收野色入新哦遙知塞鴈賓秋日秉穗連雲禾黍
多

恭和 御製雨元韻

五月十九日

聖澤加無已 恩膏沛有常澗泉流響細簷滴溜
聲霽夜氣收餘暑清風送早涼山農勤地力播種
復分秧

恭和 御製題澄觀齋元韻

隨在傳 心法嘉名可類推淵泉深有本離照大
無私 聖筆三辰曜昌言萬世規 至人勤紹述
觀化仰乘時

恭和 御製翠雲巖元韻

絕壁巉巖翠掃雲琳琅 天筆氣氤氳祥風甘雨
唯時若豫助遊休自古云

碧蘚蒼苔添翠靄乍晴偶雨總相宜梢雲瑞應
恩膏布元氣彌綸萬物知

恭和 御製札什倫布廟誌事元韻

琳宮新棟宇佛國舊名稱重譯來何遠
殊榮得未曾綬柔 思已備捷 奏喜誠應上將功成日
歡聲中外騰

恭和 御製宜照齋作歌元韻

御園造設天地侔羣山鬱律蛟龍走高齋分峙各
東西嘉名肇錫原非偶 宸遊卽以理萬幾 聖
聖相承歷年久三復 璫章仰 絕學非爲摘
藻頰 天手靜含萬理窮閭奧坐照六極握樞紐
危微精一執厥中唐虞心傳如是否 巍巍大道

本無言思喻臣民勤化誘

恭和 御製含青齋得句元韻

玉輦經行處衆峰擁一門曲折入山路登降如平原
聖主法乾行暇豫思據鞍含青羅萬象目擊
而道存行生本天道 至人已忘言

恭和 御製玉岑精舍元韻

天闕鬱崔巍 輦路亦委宛玉岑得勝概山色無
近遠甘膏入平陂嘉卉發已滿 宸遊覽物華偶
復一往返千巖秀可收萬物形無遯好雨倏爾來

清風泠然善方將參靜觀豈爲資息偃

恭和

御製雨元韻

五月二十四日

習習涼風吹殷殷輕雷起濃蒸南浦雲倒瀉天池
水飄灑忽奔騰驚濤差足擬千山靜無塵草木淡
如洗旣霑亦旣足佳晴尤可喜八徵勤 聖念時
若有如此從此卜豐穰阡陌看迤邐雨暘 宵旰

中民物 胞與裏遐邇沐 恩膏翹首瞻 天咫

恭和

御製曉涼元韻

久晴積微暑旣雨生輕涼天地氣一變 至人心

有常陰陽資調劑如補短截長愠以鼓琴解爽豈
披襟當羣黎化 帝澤擊壤歌康莊慶此寒燠時
瞻茲 雲日光吾 皇紹 祖德摘藻發 天章
一人誠無息萬庶樂未央

恭和 御製觀瀑元韻

飛流濺沫亦奇觀不作尋常景物看 前聖微言
參 後聖明聰大用妙無端

銀河一派翠屏隈絕界分流去復迴散作甘霖蘇
萬彙多應源自 九天來

恭和 御製題靜賞室元韻

虛室延山光蒼翠襲衣帶 宸遊勝概多茲實賞
心最遠峰鬱嵯峨嘉樹亦蔚蒼萬象紛以呈 天
心亨而泰於焉參靜觀真意不刻繪知仁山水情
一室別有會

恭和 御製迴溪亭元韻

山亭俯澗溪淙淙新雨後 一源發渾淪百道勢趨
走雨陽序不愆盈虛理則有在川契 道心觀海
欽 虛受

恭和

御製雨元韻

五月二十七日

惠澤加無已甘霖每應期雲雷千嶂合旌旆萬靈
馳日雨微時若惟天道可彌至人同覆幬普徧
有如斯

恭和

御製留京王大臣奏京師復望雨詩

以誌事元韻

胞與

天心切耕桑

聖慮關

九重勤歲省五

難念民艱

宵旰思無斁蠲施惠不慳飛章傳普

被喜氣動

龍顏

恭和 御製降旨加增直隸截留漕米二十
萬石以備缺兩州縣賑濟之用詩以誌事元
韻

偏隅偶待 澤 天語已咨詢民生歷 聖懷纖
細得其真 帝日來汝衆力穡無憂貧南漕二十
萬踵至隨 恩綸大哉 博施心樂矣 堯舜民
感召發天和膏澤靡不均

恭和 御製留京王大臣報得透雨詩以誌
慰元韻

依旬甘雨降福野頌聲稱 帝德深難喻 天心
信有徵祈年 忱孔夙多稼喜誠應猶道偏隅歉
南瞻 意倍兢

恭和 御製六月朔日作元韻

溽暑快其雨茲晨喜獨晴農占諧樂利 聖慮又
迴縈宿霧侵晨撥時暘返照明三秋欣轉盼萬寶
告西成

恭和 御製戒得堂自箴元韻

問雨連朝復課晴詠歌真見 聖人情偶因幾暇

來遊豫時復垂 箴戒滿盈雨露有 恩皆徧及
雲霓在望想徂征萬方寧謐歡聲洽 帝德如天
總莫名

恭和 御製清舒山館元韻

勝地 宸遊時駐輦無邊風景入詩評連朝積雨
收殘暑竟日微雲養太清別館青來山入畫平溪
碧靜水無聲華胥境界舒長日 壽考攸寧慶永
貞

恭和 御製含德齋有會作歌元韻

神堯至德負無上快觀 天翰顏雲楣內聖外王
一以貫欽明廣運 追文思吾 皇紹 祖仰
謨烈萬物化光同敷施精一允執蘊無際恭己南
面夫何爲從來 心法卽 治法宣昭藏密惟其
宜 帝庸作歌詔來許揭茲 訓典常昭垂
恭和 御製招涼榭元韻

好雨靜殘暑曲榭生微涼天地寧殊候行生率其
常入徵備以時羣黎願所償 虞廷鼓 舜琴解
溫薰風長西成日已近刈穫看農忙

恭和 御製千尺雪元韻

千迴雪浪來山曲一派銀河落 殿南自是淵泉

昭 聖學非關山水助清談

絳雪從茲稱勝絕 天章 寶繪妙兼三淋漓

睿藻開生面不假詩人險韻探

恭和 御製永恬居元韻

隨在傳 心法名言信手拈 宸居勤日盱草野

切 雲瞻捷 奏驚神速師貞戒久淹蕩平欽

聖治萬國樂熙恬

恭和 御製降旨緩征山東缺雨州縣詩以

誌事元韻

甘雨依旬渥霈膏勸農補助各分曹 九重絡繹

恩綸出百室盈寧婦子叨播種不遲秋有穫稻

梁多積雁無噉生成總荷 陶鈞力耕鑿寧知

宵旰勞

恭和 御製差往辦理截漕之倉場侍郎劉

秉恬奏報得雨及一切事宜詩以誌慰元韻

思豫民艱特 簡差依旬晴雨信無乖舳舻銜尾

源源至秉穗連雲處處皆逾格
恩膏傳普被豐年氣象早安排
南訛長養功無盡樂利唯休慰

聖懷

恭和 御製出麗正門觀稼閱堤之作元韻

時巡覽物情 家法承往例非惟重秋蒐亦以勤

農事吾 皇體天健 期頤臻上瑞攬轡意有餘

史冊曾書未 上都多膏腴新苗亦吐穗周行阡

陌徧 皇情始一遂况茲旬日間甘霖已普被寰

宇沐 恩膏有生同樂利山河經雨漲奔突難豫

計念彼近堤民居廬保無失 內帑發萬千 欽
工舉次第加長復增高百堵資攸暨洪流靜無波
東入羣山會仰此 宵旰勤節彼閭閻費遐邇奠
安居南瞻猶 厯意

恭和 御製福康安奏攻得濟隴賊寨詩以
誌喜六韻元韻

上將承 恩臨絕域 皇威遠播到荒遐負嶠小
醜魂無所扼要奇兵律不差勢擬雷霆聲震疊機
承風雨刃交加憑威貔虎無堅壘撼樹蚍蜉失穴

沙共仰 神謨成奮厲况經 天語示褒嘉一民
尺土均非利撫輯綏柔願豈賒

恭和 御製漕運總督管幹珍山東巡撫吉
慶各報德州等處得雨及運河水長情形詩
以誌慰元韻

爲厘民依勤 睿慮常頌 鳳詔徧咨詢蘇回大
地傳飛驛喜動 天顏說近臣寰宇盡登 仁壽
域遠蕃都作 聖朝民誰知 宵旰勤勞甚宴息
依然問夜頻

恭和 御製夜雨朝晴元韻

良宵風送廉纖雨，凌晨雲擁曛曠日。雨暘在念恰
及時，浩蕩天恩傳普溢。豐年大有協農占，舊苗
孔碩新苗出。天教醞釀作西成，雨不愆期晴可必。
連雲禾黍秀成堆，萬陌千塍青一律。猶慮偏隅
被澤遲，爲籌纖細無遺失。宸章往復戒持盈，
夙夜單心基宥密。

恭和 御製文園獅子林遣慮元韻

玉輦時臨遊豫地，精勤不易萬幾間。化行絕域

車書合念切三時稼穡艱農事告成千耦慶凱歌
迭奏六師還要荒畿甸同胞與都在皇王顧

慮間

多歲堂詩載廣集卷上

多歲堂詩載賡集卷下

乾隆乙卯扈
避暑山莊恭和章

臣
成書

恭和 御製啟蹕幸避暑山莊卽事有詠元

韻

十全已備心猶切萬化無方手自操豈爲豫遊尋
地勝職思紹述仰 天高雨暘都入行程記耕鑿
寧知 宵旰勞 北祀告成旋啟 蹕佳辰令節
適相遭

恭和 御製石槽行宮晚坐元韻

玉輦經行處羣山入望遙時穿堤畔柳不踐路旁
苗列帳歡聲動 離宮暑氣消誰知念征役 問
夜意彌焦

恭和 御製曉行元韻

萬乘動曉光千山競朝爽輕煙散未收初日何晃
朗 聖主法乾行卽目窮殊象良苗撫新榮古堦
記疇曩時巡 睿慮殷陟降 天心享

恭和 御製福康安和琳攻克蘇麻寨一帶
賊巢詩以誌事元韻

高牙大旆龍爲章 王師南下勢莫當
麼小醜不量力號召種類收逋亡
詔發諸軍授方略 睿謀已定先擒王
誓翦鯨鯢掃巢穴禽獮草薶無
餘殃渠魁漏網思苟活遊魂無所
夜遁藏督師宿將智且勇整兵頓
馬踰飛梁貔貅十萬驟風雨搜剔
巖穴紛相將正如翹翹現白晝豈
能匿影逃天光鼠黠兔狡寧足恃
雷轟電掣終胥戕奇兵分布扼險
要算無遺策周且詳我皇恤遠念
戰士詔書獎勵披肝腸卽看露章
遞捷奏流星驛騎

如飛忙坐撫四極孚萬國功宏事畢膺 天慶

恭和 御製出古北口作元韻

虎豹無須護 九關邊庭今若戶庭間千秋灤薊
稱雄要萬里車書自往還復嶺作垣青晻靄曲流
如帶綠迴環 鑿輿曉出祥光滿 睿藻先吟雨
後山

恭和 御製常山峪行宮卽事元韻

行殿熏風夏日陰豫遊真見 聖人心菑畚旣播
田功飭徒御無勞 帝澤深雨不踰期晴有定

恩餘在昔慶餘今卽看
天語勤民隱不作尋常
卽事吟

恭和 御製至避暑山莊卽事元韻

問雨連朝復課晴琳琅
天筆記征行三番甘澍
隨 清蹕徧野青疇慰
聖情都邑萬年歌富庶
雲山四面喜將迎廣仁嶺過
仙莊近傍 輦仙
雲五色晶

恭和 御製題文津閣元韻

千聖心傳集大成
萬幾之暇尚研精蒐羅百代

羣言萃 披閱崇朝妙義生
微細不遺欽 海納
耄期無間法 天行魏叢傑
閣連雲煥三復
瑀章仰至誠

恭和 御製登煙雨樓卽事元韻

茲樓宜煙雨登臨無弗見
連天翠陌長匝地青塍
徧 玉輦所經行廣被仁風
扇農民望已足 聖
意復憂旱好雨應期來
清飈泠然善迴蘇欣物情
膏澤承 天眷嘉名豈偶然
坐待豐亨瑞

恭 和御製雨 五月十三日 元韻

油油濕雲蒸習習涼風來日雨豈不時 至人常
厓懷百神趨 聖明耀電驅風雷靈旗颯偃蹇夔
鼓聲相催甘霖應期霑 恩波浩無涯山田淨如
沐高下魚鱗排迤邐看溝塍菁葱處處皆恭讀
喜雨詩韻與金石諧遐邇卜豐年擊壤歌康哉旣
霑亦旣足新晴亦復佳

恭和 御製西峪元韻

宸遊有常期勝地時一到蕃衍遂物情行生任大
道日雨雨應期望捷捷屢報聊爲暇豫行坐待豐

綏告時平 帝澤深物稔 天恩浩百祥集 盛
世操券握其要唯 聖不自居功成歸大造恭讀
西峪作萬類釋矜躁林端淑景迎 輦路薰風

導

恭和 御製秀起堂元韻

萬化從 心事事宜甘霖非早亦非遲輕雷未隱
晴雲漾杲日初臨宿霧披禾黍迎風青旛靄滿塍
如繡碧參差欲知 宵旰勤民意試看山堂覓句

時

恭和 御製戒得堂三疊壬子韻元韻

別殿清和雨乍晴
豫遊隨處愜 皇情萬年傑構

思 繩繼三疊 琦章戒滿盈
雨露 恩膏承

北闕風雷號令憶
南征卽看干羽苗民格 帝德
如天歎莫名

恭和 御製河東總河李奉翰報得雨深透
情形詩以誌慰元韻

聖皇撫六宇遠近 恩無殊待澤
念偏隅日豈不在吾陰陽或異候
膏澤無不濡乃知 調劑功

功與造化俱飛章傳普被喜氣溢 上都桑麻何
沃若民物皆華胥 至誠感召理不啻形影如作
息問康衢亦知 帝力無

恭和 御製雨 五月十八日 元韻

嵐影林光淡碧滋依旬甘雨不愆期近郊田舍煙
如幕被隴山苗葉倒披遠嶺乍懸千尺瀑彤雲濃
護 萬年枝幸承 天澤瞻 琉璃端爲勤民致
敬寅

恭和 御製喜晴 五月二十日 元韻

載賡常愧小言詹快觀 天章起鈍淹問兩課晴
期可必因天則地理何嫌山田錯繡青塍潤溪水
無聲碧浪添唯有憫農 心獨切不辭擣藻韻重
拈

恭和 御製林下一首三疊乙未韻元韻

允中 皇極正 久道 治功便窮譯思輸悃中
天可並肩薰風看竹靜 玉輦喜花穿戴矢卷阿
詠 天休億萬年

恭和 御製留京王大臣等報雨詩以誌慰

清蹕仙樂迎風敞 御筵 武烈 文謨傳奕世
丕承無間永綿綿

恭和 御製廣東巡撫朱 奏早稻收成八
分有餘詩以誌慰元韻

疆場何須畝盡東海隅無地不熙豐秋成已卜
天心眷高廩齊欣我稼同自古盈寧看有象卽今
宵旰意無窮維艱屢念民依切三復 璠章仰
聖衷

恭和 御製陣雨 八月初八日 元韻

餘積殺萬於茲兆屢豐安堵寧虞農報未回天端
藉 聖由衷飛章已報邊氓樂露布還看驛騎忽
恭和 御製樂山書院口號元韻

遊覽非關續舊句 神堯遺墨鎮常新 宸章妙
會題名意共仰如天 聖主仁

恭和 御製宜照齋元韻

名園小憇迴 清蹕駐輦中途得舊齋古語命名
山意協 奎章題壁玉音諧 宸遊有定侵晨發
寓物無心到處皆自是靜觀參妙諦非關摘藻逞

吟懷

恭和 御製喜雨用前作喜晴詩韻首句卽

全用前句

五月二十七日

元韻

晴雨無須太史詹晴非過暎雨非淹似茲屢應期
能必總謂求多意豈嫌別館山濃青靄合平溪水
漲碧痕添 來歌都爲勤民隱強韻何妨一再拈
恭和 御製六月朔日作元韻

至後記三庚欣逢朔日晴農占諧樂利物彙荷生
成 帝德徵時若 天休錫永貞迎秋瞻萬寶大

有協元亨

恭和 御製望雨責己元韻

六合統於一 八徵備以五 從來 聖希 天如以
子事父精誠格 杳漠所願無不許 農民沐膏澤 歡
聲徧寰宇 那知 深宮中 占雲久 延佇 更憶 南征
士 架入 狐兔 所成功 豈不速 恤遠 不遑 處坐 待捷
音來 便蕃 看 錫予

恭和 御製出麗正門 祈雨並觀稼卽事

元韻

聖皇御宇孚天載寰區都入鈞陶內陰陽殊候地
或然偏隅肯寘覆幬外 鑿與曉出爲 祈霖湛

恩欲使同汪濊百神效職萬靈助掣電驅風趁雄
快八荒四海仰同雲優沾更喜 皇畿最舊苗茁

壯新苗出高田旣漚低田逮惟德動天誠感神信
以精虔致霽需調劑無方 帝力殷豐享有象民

生賴菁葱彌望繡成堆轉盼秋成欣可待頒來曠
典答 天貺蠲租行賚歡聲倍况復 王師月三

捷尺組剋日縻逋罪功宏事畢萬方寧巍巍 帝

德惟天大

恭和 御製立秋日作元韻

三光貞明五行敘惟 皇緝熙日勤止陰陽有常
物有候 宵肝念之不遑已久晴望雨雨望晴此
意凡皆爲民耳今歲迎秋瑞應多休嘉氣見 天
顏喜炎燭滌盡清風來青陸徧野如雲委小人之
依 帝所切海澨山陬同一體已占令節諧農諺
轉盼秋成大豐美因溯年來望歲心更晰 宸章
微妙旨編年紀月了無遺 瓊瑤一一看珠纍

九重密勿淵莫測功化不容私意揣時行物生天道常 帝德如天安可紀但驗八徵慶時若 至誠之感有如此何幸耕田鑿井民羣沐 殊恩歌福履

恭和 御製直隸總督梁肯堂報雨詩以誌愧元韻

畿輔甘霖正及時飛章驛騎看星馳河流順軌洪濤靜秋稼連雲瑞露滋五躔占年春皞皞 一人體健日孜孜華胥民物 羲皇世 帝力都忘况

使知

恭和

御製雨

六月廿九日

元韻

山暝青煙合波沉素影鋪通宵聞浙瀝匝地慶沾濡
煩暑驅應盡良苗潤不枯皇情通位育俯仰見真吾

恭和

御製福建巡撫魁倫奏早稻收成八

分米糧價減詩以誌事元韻

曾爲邊隅特恤災 湛恩卽日起傾墮乘時預計
功堪補再熟應知力未摧喜聽豐年人語樂不教

中澤鴈鳴哀更看黔楚馳星騎橫海鯨鯢已貫顛
恭和 御製留京王大臣報兩詩以誌慰元
韻

禹甸均霑澤 皇畿旋沛 恩 聖心寧有間天
道本無言晴日收殘暑秋風動隰原良田欣渥足
庶草亦滋蕃 盛世豐年屢淳風古處敦持盈瞻
睿藻宥密敬心存

恭和 御製觀瀑布二首元韻

賡歌載筆愧何曾觀物惟欽 聖者能素練垂天

看有象 金聲擲地歎無朋

好雨經旬未覺遲
源頭活水已如斯
銀河一派飛流急
灑徧郊原萬彙知

恭和 御製永恬居元韻

別院秋光合 那居霽景新
三時勤 帝念四海沐 恩綸正喜甘霖被
欣瞻 玉輦巡 深仁及草木郊藪有遊麟

恭和 御製素尚齋戲疊癸丑韻元韻

省歲 聖心切逢年衆力貪
休徵看備五 上理

仰登三餘日迴 清蹕怡情過舊菴嘉名瞻素尚

邁古 德誠堪

恭和 御製處暑日作 七月初九日 元韻

已近西成農事舉更欣伏盡午風微秋容滿目渾
堪挹好雨依旬未覺非巖石嵌空添畫意澗泉流
響韻琴徽農占總副祈年意 帝德 天心兩莫
違

恭和 御製莆田曉秋元韻

莆田瞻舊額勝日及新秋 聖筆千秋炳名園萬

木稠 法宮方望霈葑屋莫深愁卽看雲峰起

天恩布獲優

恭和 御製登四面雲山亭子疊去年詩韻

元韻

四山多晴雲散宇好風又送廉纖雨新涼薦爽秋
氣澄岬峴高亭靜殘暑 聖主登臨覽物情每念
民依弗遑處已見茅檐秋稼登更憶炎蒸夏畦苦
屢頒 曠典答 昊貺敬以精勤紹 皇祖卽看
萬寶慶西成 宸章往復猶延佇

恭和 御製直隸總督梁肯堂奏報秋禾收
成八分詩以誌慰元韻

憶昨甘霖傳普徧更欣畿甸沐 恩膏豐收已報
農民慶厯念誰知 宵旰勞 逾格蠲施看遠被
因時補助憶分曹幸逢瑞應瞻 瓊藻雲錦光呈
五色毫

恭和 御製獲鹿元韻

深仁無地不春臺庶草蕃滋廣囿恢儻俟自占禽
有獲馳驅不待驥呈材中林偶值 宸遊暇小物

能勤至道該三復
瑤章欽 聖武 耄期無倦
頌康哉

恭和 御製不遮山樓口號元韻

身在山中不見山
詩人取譬意猶慳
聖神坐照
參羣妙側嶺橫峰
指顧間

恭和 御製萬樹園錫宴祝嘏內外藩王及
各國使臣卽席成什元韻

諸藩累世仰瞻
天久道無煩重譯傳
誠敬已孚
修 貢日 恩榮翻及祝
釐前名園列帳迴

賦得中必疊雙

得雙字

列校元黃異前驅金鼓攬追蹤凌積礫尋影上崆
峴兔顧驚魂並雕盤落影雙彎弓心獨惜舍拔意
猶懷信以全神注非關大力扛翻鞞間健鶻噬綵
恥騎龙妙手應無敵雄心未肯降期門多猛士爽
氣溢麾幢

賦得以學愈愚

得愚字

論性殊三品求心始一隅功原同藥石學豈辨之
無但使膏肓達誰言氣稟拘有形通至道隨地見

傍午忽沾澤逾時又喜晴山雲添變態石澗度微
聲已足清浮翳還堪潤晚耕 法宮勤歲省期望
意猶忤

恭和 御製山東巡撫王 護理河南巡撫

吳 各報秋禾收成分數詩以誌慰元韻

近畿看刈穫接境報豐餘厥庶均沾 澤維 皇

尙跂予艱難思稼穡摛 藻意齋如

恭和 御製留京王大臣奏晴雨應時詩以

誌慰元韻

豐年看萬億 聖德足當之
風雨家家樂 昇平事事宜
皇畿傳好語 遠徼動宸思
總是勤民意 耄期日有攷

多歲堂詩載廣集卷下

多歲堂試律詩集

長白 成書 倬雲

五言排律

賦得雲興四岳 得興字

維岳涵天澤彤雲自此興居方尊祭秩環鎮効趨
承天外三峰隱封中一縷升火維初泄霧溟海正
飛鵬旌旆千靈合風濤萬馬騰向空如就影觸石
不成稜膚寸功伊始吹噓力可憑崇朝徧霖雨品
彙日蒸蒸

賦得精理亦道心

得心字

至蹟紛難理惟微力孰任萬殊參以變一脈古猶
今山水知仁德風雷天地心探幽通汲綆觀妙靜
鳴琴緒始絲抽繭懸知鐵是鍼川流窺往復月魄
驗升沉瓦礫寧須格鳶魚不待尋允中欽 帝道
俯仰歎高深

賦得芳草亦未歇

得和字

秀草餘深碧芳辰韞至和風來還淡宕春去已蹉
跎樓畔思猶繫池塘夢欲訛王孫歸未得君子意

真吾活潑源頭水虛靈徑寸珠鳶魚皆竅妙風月
不模糊鍼砭誰先覺專精契古愚由來資博洽漢
世有醇儒

賦得卓犖觀羣書

得觀字

國士千秋得奇書萬卷攤厄言寧待出大意已先
觀臭味風雲合襟期海嶽寬蟲魚卑訓詁章句陋
儒酸牢落新封牘蒼茫舊築壇感時心獨喻攬轡
緒無端是豈經生見輸他博士官願言揮白羽投
筆事樓蘭

賦得小樓一夜聽春雨

得聽字

日暮春陰合樓空夜氣暝連宵聞好雨有客惜餘
醒香池殘灰靜燈昏細蕊熒微寒來薄幌幽響隔
疎櫺煙水懷人夢風花載酒亭池塘春草綠鄉國
舊山青路返江南棹魂銷劍外鈴曉鐘猶未動拼
得到明聽

賦得雲臥恣天行

得天字

姑射神仙出崆峒道妙傳卧遊恣汗漫羽化想褊
褊當路雲生步依人鶴在天霞餐顏渥若風御轡

如何南浦傷心別前園變體歌際天分繡陌拂水
待新荷翠碾香輪重青連玉案多 宸遊欣淑景
茂育憶菁莪

賦得天臨海鏡

得臨字

觀海驚神運瞻天儼照臨體元 明主德如鏡
至人心軒豁端倪露淳泓象緯沉大明輝宇宙淵
鑿靜高深蠓蟻寧遺育氛霾永不侵管窺終井底
蠡測亦蹄涔峻極知難戴汪洋歎莫尋乘槎 雲
漢近翹首罄微忱

賦得玉潤碧鮮

得寒字

厯厯叢篁出娟娟淨綠攢吹香來膩粉著色上明
玕瀟灑瓊枝潤琤琮玉骨珊清谿風裏畫湘廟雨
中看幽谷春陰暮佳人翠袖寒窓搖金瑣碎月曲
碧闌干本以高難俗翻言秀可餐瑤琨曾結伴同
獻 五雲端

賦得風信華盛

得風字

欲識陽和意先徵花信風物情資以動春德始於
東乍喜天桃發旋看苑杏紅一番經拂拭無地不

冷然下視滄桑變經過運會遷方壺波似鏡圓嶠
島如拳飄渺華胥夢悠揚渤海船 紫皇勤至要
行建日乾乾

賦得澄心凝思

得澄字

奇文爭獨造至理妙神凝解識忘言趣渾如入定
僧嶺雲微影度秋水碧波澄緒引孤抽繭明生無
盡燈精誠通溟漠方寸起峻嶒豈是無心得何關
衆口稱筆先原有意象外迴難憑誰似深思客舍
毫只自矜

賦得觀沼未足

得觀字

天一生真水參同妙靜觀返躬應自得滯物乃多
端池沼誰云至江河未覺難無涯參以變有術必
其瀾咳唾寧非道望洋亦足歎豈知千里濶只就
此身看玉作華池咽金爲沆瀣餐 至人涵內照
應不羨還丹

賦得憶栝輔檠

得寬字

張弓天道備省括 帝心單寧以成規美而忘脈
理殫精心傳晉文數典契桓寬自就如繩直真成

冲融有約尋梅萼無心到桂叢漫催蓬艾茁爭羨
黍苗芄煦育依仁宇吹噓任化工蒼旂頒令
典重異萬方同

賦得出三入一得三字

欲識網緼意須從象數探由來清得一非止妙函
三萬化從茲始真元自此函曰專才可見爲幹耦
相參出入機仍貫資生數已含消陽功莫計通變
理應諳惟聖身爲度先天道弗慙恭承覆載
德窺管笑空談

賦得披榛采蘭

得榛字

聖世多才俊芝蘭傍
玉宸拔茅思吉士非種刈
宵人九畹何勞蕪千金寧足珍國香終不掩衆草
肯爲羣采擇期無枉披尋冀得真奉璋看械樸執
籥笑山榛枳棘難偕隱蓬蒿想致身顧慙葑菲質
移植沐三春

賦得伐樹留絹

得留字

元魏推英主綏柔意最優入林枝未翦酬值絹先
留棠作居人思錢同飲馬投一縑聊棄地千樹尚

操縵安受檠原備弛待穩不須攢豈復憂弧刺還
堪擬角端爲方依折矩揉曲妙探丸 聖世恩威
廣形盧萬國歡

賦得借書刊謬

得刊字

晉代推宗彥奇書每借觀豈惟資博洽還與正彫
殘魚豕寧容混煙雲莫浪看一痴誠已誤隻字過
應難展卷心彌切挑燈夜未闌送遲良有以謬正
不容刊 中祕圖書富牙籤卷軸完幸承 天祿
詔讐校敢懷安

賦得披榛采蘭

得榛字

聖世多才俊芝蘭傍
玉宸拔茅思吉士非種刈
宵人九畹何勞蕪千金寧足珍
國香終不掩衆草
肯爲羣采擇期無枉披尋冀得真
奉璋看械樸執
箭笑山榛枳棘難偕隱蓬蒿想致身
顧慙葑菲質
移植沐三春

賦得伐樹留絹

得留字

元魏推英主綏柔意最優
入林枝未剪酬值絹先
留棠作居人思錢同飲馬
投一緜聊棄地千樹尚

鳴秋小惠寧能徧淳風自不偷感恩真挾纊交易
異持籌 聖世徵輸薄民生計畫周梓材供 國
用斤斧以時求

賦得乙夜觀書 得觀字

睿德徇齊擅 生知道力完專精留乙夜至論契
貞觀求治心何切勤求性所安直將聽政暇仍作
受經看索燭思方得投籤意未闕惜陰珍禹璧愛
日鑿湯盤乍喜瑤編啟誰知玉漏殘淵源欽 聖
學王業本艱難

賦得說經奪席 得經字

漢帝崇真學羣才滿闕廷幾間還視學正旦亦談
經有客稱宏達斯人尚典型高談驚滿座殊寵示
盈庭共羨窮三體回慚識一丁恩承前席渥心憶
舊瓊青至教垂修綆微生擬寸莛幸逢 文盛世
稽古味餘馨

賦得積卑爲高 得爲字

學道須真積蒙莊妙喻推登高原有自助長亦徒
爲一簣功之始千尋勢可期雲霄從此近土壤不

容辭欲覽三峰秀，須防九仞虧道謀。成莫漬吾往，
志如斯。漸覺峻嶒起，回看培塿卑。巍巍瞻帝德，
執管愧潛窺。

賦得輪轅各適 得轅字

主治收羣力，王臣效駿奔。呈材看騏驥，適用在輪
轅。欲正馳驅範，因思制作原。駕輕端此賴，行地豈
須援。不復憂歧仄，從茲別輕軒。登車欣有得，合轍
妙無痕。稽古規唐制，分途闢仕門。散樗蒙帝德，
拭拂傍金根。

賦得刻燭爲詩

得爲字

風流傳宋室高會做華池酒是流泉送詩看刻燭
爲八義應笑拙七步未云遲那惜三條盡唯憐一
寸虧高才矜捷足強韻亦妍辭金谷觴無數華燈
燄未移但看詞卓爾遑問夜何其湛露承恩宴
文章愧左司

賦得華光賦韻

得曹字

上將旋師日華光御宴叨奇功無意得班管有心
操亦解探難韻誰能賦寶刀兩言爭競病五字奪

劉曹已定千秋業真成一世豪尚憐詩思捷迴憶
陣雲高餘事看鴻藻平生足豹韜詎同章句士唯
解事揮毫

賦得八月剝棗

得時字

棗熟幽人詠園林八月時花曾看纂纂實喜剝離
離庭樹遙懸顆鄰家漫插籬翠搖經雨葉紅撲向
陽枝的樂風頻落勻圓露尙滋登盤宜配栗紀候
過烹葵投以心應赤新之味並飴如瓜還獻壽
妙道契安期

七言排律

賦得山開月 得山字

想像雲峰第幾灣
由來春盡始登山
陽和已變鶯飛樹
凍霧全消翠擁鬟
豈有神靈司管籥
更無虎豹護天關
花明柳暗爭時節
路轉峰迴見往還
著屐客歸風雨夕
卧遊人夢翠微間
良辰有約寧容負
勝友相攜或及閒
幸際昇平瞻氣象
不憂巖壑富神姦
拈毫欲擬岡陵祝
翹首青雲愧莫攀

賦得西川秀麥圖

得西字

聖世淳熙萬福禔每勤稼穡念蒸黎當年寶繪傳
佳話今日琳琅仰御題至治自超皇祐上嘉
祥寧數蜀川西雙歧已見盈千畝五穗欣看共一
畦若有清風抽宿穎似霑膏雨點新泥寫成絹素
青猶濕迴憶郊原路欲迷逸豫無期思布濩
艱難有訓示提撕九芝三秀空呈采爭似豐年瑞
應齊

賦得龍應鼓鳴

得龍字

感召真機速唱喁由來神物秘奇蹤一聲漫擊雷
門鼓千丈俄驚潭底龍膚寸崇朝占雨候奔騰四
嶽想雲封不須虎骨投河水便似銅山應洛鐘飛
躍如期看變化風霆有令喜追從潛通若驗灰吹
子震動非關蟄起冬六位乘時 洪化備百靈效
職 湛恩濃雕蟲勉賦 先天頌欲擬文心愧砌
蛩

賦得保三鑑 得三字

政要原從理道參貞觀聲教亦遐覃直將止水明

心鏡不使微塵掩玉函論治敢言勤勛五省躬端
賴鑑惟三視瞻自識衣冠正興替還由典籍探永
世監成臣納誨知人則哲帝無慚 至誠體運天
臨海 妙道澄泓月印潭萬象靡遺 仁壽朗千
秋有錄古今涵幸依 久照瞻雲日欲賦重輪愧
素詣

賦得擲地金聲 得金字

江左風流照古今興公麗藻豔詞林試看縹緲尋
山志誰識經營作賦心欣賞有人傳雅奏品題無

愧稱知音清言細膩瓊飛屑逸響鏗鏘地擲金若
有仙靈看下筆更無俗客與同岑豈將才調誇珠
玉自覺和平協瑟琴 盛世文章星斗煥 聖人
藻鑒海天臨 小臣 簪筆 螭頭外學步真慙馬上

吟

賦得白獸樽 得言字

讜論常從 黼座聞制傳白獸典彝存顧名敢忘
司原義舉觴無慙 湛露恩試酌醑醺思 帝賚
若爲純縹味卿言蹈揚仍副稱觴意慙直寧同折

檻喧每幸開予旌杜蕢不勞失德笑虞翻 聖心
虛納深三復多士懷貞闢四門無缺寧須焚諫草
飲和直欲厭衢尊 小臣 敬上 南山壽錫爵公廷
愧駿奔

賦得如雲如川 得如字

善俗非關事簿書由來觀感捷吹噓百川赴海知
民俗咫尺瞻雲仰 德輿就下有常來莫禦覆天
自我需無餘不須防潰資先導直擬歸功問太虛
聖世間闔沾澤潤 至人聲教訖舟車承流漫

擬朝宗似乘化真看觸石如
紉纓興歌欽復旦
胥匡作誥奠攸居
小臣欲擬光華賦
帝德無名歎莫譽

賦得三畫連中
得中字

宇宙大文垂有象神明創制蘊無窮
試尋繁露刊書例便識飛龍造字工
經緯有常看錯綜高卑合體見昭融
三才並列居成位一畫當心立大中
皇極會歸終始貫至誠參贊地天通
由來正直明王道寧慮偏陂失至公
盛世嘉祥徵日麗

聖人聲教仰書同

小臣

簪筆窺

東壁奇字經心

愧篆蟲

多歲堂試律詩集

多歲堂賦集

長白 成書 倬雲

炙蝗賦

玉田楊子攜以見示言其鄉人卒歲之食也感
而作賦

惟田間之佳客兮惠遺我以囊盛忽開緘而睇視
兮悅心悸而骨驚翳何方之殊品兮狀陸離而擊
擊翹股紛其撐拄兮腰腹漲其彭亨畢焦頭爛額
而相枕藉兮臭不辨其羶腥客頻蹙而告余兮曰

吾土之所產也初猶充一鄉之食兮後遂流味於
遠也憶昭陽之歲厄兮阻夏秋而不雨惟茲蟲之
勃興兮伏蘊隆之焦土於焉長其子孫兮不崇朝
而闔門戶始則矜其距踊兮倏凌風而振羽忽羣
飛而蔽天兮杳不知其所處慨所過之成墟兮劇
剽剽之暴旅唯澤毛山木之靡子遺兮又安問夫
稻粱與麥黍嗟終歲之勤劬兮期食報於登場何
忽遭此蠶食兮鮮一粒之秕糠彼飽滿而盤嬉兮
率族類之穰穰我乃束手而瞪目兮轉轆轤之飢

腸願田祖之有神兮昇炎火而不遑胡爲坐視而
莫誰何兮徒覩而饗乎椒香睹瓶盎之旣罄兮瞻
原野之茫茫嗟性命之安度兮悵出入而徬徨夫
孰使我至於此極兮翳恩怨之有常慮徒死不足
以成名兮聊與爾乎取償厲婦子以從事兮具義
族與橐囊誓背城而借一兮將翦滅此而因糧旣
細載而來歸兮燎冷竈而煙煬請酷吏以入甕兮
烹聚斂之宏羊聊飲恨以遏飢兮旣筐承而錡湘
且蓄旨以禦冬兮亦千倉而萬箱嗟民食自古其

惟艱兮亦初不虞其至此操七箸而躊躇兮實刺
喉而棘齒勉加餐而下咽兮涕滂沱而不止况亢
疹之所鍾育兮固體性之不佞苟饕餮之不輟兮
知致疾之有由緬英主之軫民兮處深宮而懷憂
仰天掇而潛祝兮唯民命之是求彼玉食之柔脆
兮尚吞食而無畏吾儕小人之殆且飢兮又何惜
乎藜藿之胃將擬屠門之過而快意兮吾亦知其
未也吾欲躋公堂而稱獻兮令皆知此味也亂曰
蝗之來兮翼翼師師蝗之止兮以地以時唯蝗有

神兮冥冥是可縱貪肆虐兮唯其指麾民之無知
兮惟蝗是訾殲其醜從兮渠魁是遺苟跳梁而遠
逝兮復遺害於來茲吾將叩九閭而上告兮將帝
命而臨之命赤鳥爲吾前驅兮召八神而並馳施
畢羅於四極兮操索葦之葳蕤旣追奔於率土兮
乃執獲於天陸斬被澤之廣翼兮張睥目之睢睢
亦知惡積罪大而不可悔兮乃俯首而無辭吾又
傾銅山以鑄器兮析榑木而薪之召燧人使執爨
兮呼庖羲而司炊巨靈執而就烹兮顧鼎俎而撐

持析其骸於廣漠兮流其魄於滄湄俾千秋而萬
歲兮永絕迹於郊圻歸復命於太清兮言屢領乎
帝頤余豈樂爲此淫刑以逞兮聊以從民情之所
依

中秋不見月賦

秋懷兀兀秋夜迢迢明河斂影密雨連朝慨伴晨
兮虛度情抑鬱而無聊挹彼清光齊已之詩狂欲
減修厥翫事歐陽之清興難消隔千里兮共明無
如此夜嘆百年兮幾見偏遇今宵爾乃天宇陰沉

地圍瀕洞寒霧如煙元雲似凍庭葉濕埋砌蛩孤
諷佳客不來良宵徒送列琴樽於邃室燈火青熒
聚兒女於幽窓卽盤喧闋綠醅紅粉暫分燭下之
光玉臂雲鬟遙憶閨中之夢若夫離人孤棹思婦
高樓風蕭蕭而菰蒲亂夜淒淒而枕簟秋萬里陰
晴倚蓬窓而目穿明鏡一燈岑寂依虛幌而心折
刀頭此雖玉宇金波尚不足以湔別離之恨而况
淒風苦雨又安得不增聚散之愁也乎則有風月
班廉文章冠冕盛聲色之娛極賓從之選天意渺

其難知老子興復不淺思秉燭之清遊繼長夜之
舊典拚通宵而無寐待澄輝之徐展然而重陰無
隙清光不來清歌惆悵妙舞傾墮兩地懷人寂寞
香山之句三人對影模糊太白之杯夜未央兮人
散宵將半兮漏催碧落無情總被浮雲遮去青天
何限強教歌舞催闌於是孤懷不已幽興未殘抽
毫命句一唱三歎歌曰風風雨雨倚闌干落盡庭
梧夜向闌誰有擘天分漢手冰輪捧出大家看

秋燈賦

於是天清地寂暑退秋新寒暄中適晷漏停均夜
窓虛今生白幽室暗兮無塵枕簟微涼快袂禪之
在御軒窓邀爽喜燈火之相親熒熒東壁之光分
榮簡策寂寂短檠之賦託興騷人則有東閣留賓
西園開讌飛蓋相隨華燈高絢歌喉珠貫而聲流
舞袖風翻而影旋炙芬酒氣蒸騰玳瑁之筵霧鬢
風鬟縹緲神仙之殿詠明月而情移歌秋風而淚
霰旣樂極而悲來亦時移而世變又有畸人清士
逋客謫仙衡門月墮古屋藤牽風雨窓幽清吟愁

絕薜蘿牆仄孤影幢然把劍而看慷慨平生之志
挑燈而坐縱橫孤憤之篇若夫複道秋深離宮日
暮金井飛桐玉階墮露雲和夜奏吹來別殿之音
寶炬星輝影帶昭陽之樹望君王兮不來對銀釭
而自訴或則當窓罷織入夜停鍼纖纖素手脈脈
芳心怯小膽於空房更深欲蕊望遠人而暗卜泣
下沾襟顧影自憐腸斷迴文之錦有懷莫訴魂消
隔院之碓更有征人逆旅倦客長途陽光潛匿人
影模糊車脚躡而不進路盤折而多迂望林際之

煙光遙知村落羨田家之燈火歡聚妻孥近枕偏
明聞僕夫之夜語擁衾相對聽秣馬之銜芻至若
湘浦波沉洞庭雲斂蘆荻霜濃蒹葭霧掩棹歌興
於別浦明月千川漁火起於遙叢繁星萬點蕭條
泗水之遊寂寞江州之貶泛涼夜之淒清瞥湖光
之迴閃若夫長廊影度老屋風披背山遙見隔樹
頻移孤城市晚小市歸遲夜聲初起虛幌低垂或
以助夫清興或以照夫別離旣悲娛之殊境亦喧
寂之異辭非靜觀而有得與身歷而心知亦孰爲

援筆而賦之也哉

接菊賦

以老圃秋容黃
花晚節爲韻

步秋林而寓目見晚節之黃花挺凌寒之傲骨泛
挹露之仙葩氣稟靈和旣獨鍾夫香味色分紫墨
乃別具夫根芽補短截長都入化工之手結根託
體移來處士之家則有妙技堪傳奇思夙絕巧欲
天成易如俯掇惜佳卉之孤芳思深持而固結旣
種別而羣分乃擢莖而抽節賤不遺乎蓬蒿質仍
全乎高潔遂使東籬高士傳伐毛洗髓之功西域

幻人留易貌分形之訣於是攜竹刀以刮膜製蘭
紙以爲囊削纖莖之微白配細蕊之初黃旣枝枝
而相對亦葉葉而相當尋刃迹而無痕非同斷鶴
欣天機之妙合已固苞桑玉質金英旣飽經乎霜
露盤根錯節仍留待乎秋霜苟符勁直之操不妨
異趣旣入芝蘭之室豈患無香爾乃露葉初均風
枝漸老舊水多滋柔條易保寬其束縛迎風而瘦
影微搖沃以醇醪轉眼而繁英盈抱此固由連屬
之多奇亦深賴栽培之有道故飲溪而壽獨傳續

命之方按譜而稽別號長生之草若夫苔荒三徑
序屆九秋悲兩開於杜甫致一束於鍾繇實有根
而有柢故宜淡而宜幽果初蘭佩而孤謠固慙蕭
艾若貯藥籠而備物寧辨薰蕕乃知物遷地而爲
良事探奇而歸本苟體物而能精自會心之不遠
始焉不扶自置原介立於麻中終則竟體皆芳故
移根於露畹南村甲子畫二代以編年魏國功名
歷三朝而愛晚於是冷香被體正色爲容奮荒原
之陋質躡玉筍之仙蹤臭味相投攀附各從其類

合同而化變易不離其宗宛若同生偃代不疑於
桃李無以下體采掇寧棄乎非葑方今 聖天子
栽植羣生均調庶土拔茅連彙用不遺於窮簷自
葉流根化同沾乎時雨布時和於令月禮薦鞠衣
表瑞應於殊方宮傳蒿柱迴品類之昭蘇運神奇
於臭腐固不徒移瑤草於瓊林樹華平於春圃也
哉

洗象賦

以殊俗貢珍百
獸率舞爲韻

維乾陀之異產應滋液之貞符秉瑤光之餘氣負

山岳之偉軀傍金階而屹立夾玉輅以前驅雖賦
形之特詭亦馴性之不殊動別地形既見虛而見
實拜隨人意宛亦步而亦趨是宜職肅朝儀名次
虎賁之列食供典廐恩逾路馬之芻以彼畜自

天家來從殊俗役以蠻奴通其嗜欲被之纊絮禦
北地之奇寒覆以重簷避驕陽之炎酷蓋生既育
乎南荒故性不能乎煩溽旣馴服以懷安亦骸垢
而思浴爾乃伏雨初收薰風乍送按部就班縱羈
弛鞚玉河隄畔綵仗繽紛宣武門前金鉦喧闕旣

塵釜之不驚亦安詳之殊衆街衢穩步直欲擬趨
朝退食之多儀豢養彌年非復偕大賂南金而充
貢載經城隅載臨水濱先後以序指揮聽人始不
予而投足旋俯仰以縱身赴吻微流激素牙而灑
澗迴身激水掉巨鼻之麟困如博望之乘槎中流
宛在如昆明之習戰巨艦橫陳背倚肩摩雖羣游
而不褻截流澄底宛獨立而自珍於是碧波平炎
敲赫興已闌日將夕登岸徐行躡蹤逐迹出水蹠
躡竟體光澤蓋以順時育物聊應金伏之三非爲

娛目騁懷用備水嬉之百當斯之時士女駢羅輪
蹄輻輳夾岸歡騰歸途雜糅廣場之甲乙弗張黃
門之鼓吹復奏莫不嘆生逢 盛世親覩夫神靈
百寶之祥初不必遠慕西京侈談夫曼延百尋之
獸方今 天子德盛化神身度聲律却駕車之馬
儉德惟昭戒祇貢之爨古訓是率惟此物之瓌奇
具威儀於警蹕故申時令於有司循舊典而勿失
彼夫見制於越童奔沮於象浦旣炫齒而被焚或
碎衣而含怒縱野處之獐獐亦獨行之踽踽豈若

此清流澡雪仍呼伊水之羣蘭殿趨承共劬虞廷
之舞也哉

飲冰賦

以飲冰以清
其心爲韻

伊忠蓋之宅衷恒滌躬而立品抗濁俗以懷清壓
羣兒而氣凜日受命而飲冰恥還鄉而衣錦臣門
如市何傷止水之明古井無波寧酌盜泉而飲視
履薄而危如較濯纓而清甚蓋不徒一條署字美
祕閣之頭銜萬壑凝寒羨蘭台之奏稟也爾乃意
存皎潔志切凌兢洗心滌慮釋躁平矜色正寒芒

迹絕趨炎之客氣含冬肅神驚側翅之蠅快一梳
之初消玉堂風冷啟三凌而入獻 御座霜凝不
易初心焉避石門之水無虧昭質真成玉壺之冰
蓋古道在斯臣心如此譬諸飲水惟冷煖之自知
時切懷冰亦慷慨而稱是釋先哲之卮言觀聖經
之微旨幽風著羔獻之文周禮重凌人之使精誠
通於寢廟夫豈徒然頒賜徧於臣鄰亦良有以時
則滌瑕蕩穢抱潔含貞更有神明之號人懷澡浴
之情白簡飛霜凜南牀之雄峻旃廬齧雪欽北地

之丹誠銓序當而無遺職宜冰鑿關節絕而不到
笑比河清此皆深淵自厲臨谷懷傾負甘霖之碩
望被湛露之殊榮豈若櫻顙傾珠飽食或愁夫內
熱柘漿泛彩奉尊用析夫朝醒彼夫鏤之成壁斧
之作糜設仙臺之甜水雪佳人之藕絲或念仇而
思抱或憚役而亡椎非以恣夫侈欲卽以重夫淒
其是豈足語於風霜之操與精白之規也哉 聖
天子均調寒燠消息陽陰遲永日以怡情甘泉翠
竹迓薰風而奏曲舜瑟堯琴清光接於 殿庭頓

消殘暑餘 恩及於侍從共滌煩襟玉盃盛來仙
露醍醐之味金盤貯處球琳戛擊之音幸得宿衛
承明三凌久荷夫 天寵備員清祕一盂足厲夫
臣心

三冬文史足用賦

以題
爲韻

乃有瓊室仙才金門高躅侍詔非榮執戟非辱索
長安之米仕非爲貧縻少婦之金道唯混俗三千
牘公車之奏讀之兩月而不窮四十萬雜誦之言
取之三冬而已足故能學究天人功深啟沃託傲

慢於直躬以詆諧爲忠告當其編蓬爲戶積土爲
龕綜古今而歷覽彌晝夜而窮探髫年而誦詩書
淵源有本弱冠而談戰陣鉦鼓皆諳擊劍長歌斗
轉銀河之半挑燈獨坐雪埋苔徑之三及其舉賢
良登貴仕陪甘泉從泰時狎侮公卿縱橫書史逞
博辨之雄談擅詆謔之妙理識駟牙於櫟中射守
宮於盍裏論者徒炫其詭異之才而未悉其淵微
之旨也若其大隱城市譎諫九重用舍有時或爲
鼠而爲虎屈伸無跡時一蛇而一龍旣觀察之詳

慎亦進退之從容養壽自安漫謂以農而易仕修身以俟不因惡寒而輟冬觀夫諫上苑而陳規考泰階而獻頌鄙漢臣行步之工服子路終身之誦奉觴上壽一言妥高廟之靈陛戟除姦片語增宣室之重類無不萃典籍之精英極文章之錯綜使明廷課績當列之明經直諫之科而良史搜奇徒傳其玩世詭時之用蓋通經以期致用而綜史亦資多聞卓犖而觀羣書意卑章句慷慨而陳六代詞媿皇墳際 休明之盛世收翰墨之微勲樂三

餘之淑景誦六藝之清芬敢大言而自譽亮懷古
而情殷溯高風於曼倩聊宣之於斯文

循名責實賦

以題
爲韻

乃有汝南良史漢季純臣後先同軌言行相循陋
世風之虛僞希至道之真淳旣兼綜之有道亦任
使之得人精心在登選之先非關逆億誠意附設
施而布共入陶甄求當委誠斯練精乎庶事搜才
禮士乃妙鑒乎人倫豈欲核名實之卑卑濫觴黃
老採風聞以察察滋惑臣鄰自人才之千古慨庶

政之難平南郭吹竽笑冗官之混迹東山高卧半
處士之虛聲求藻鑑於持衡一揮遺恨問調羹於
相業三旨逢迎偽學相承或託名於經術片言自
炫卽妄意於功名要皆虛浮無補扞格難行雖仍
設官分職之舊無與立綱陳紀之精焉能致治均
平除政刑之頗辟總理微密措朝野於清明夫盛
名不可妄居而實政無容假借名者實之實也無
存弋獲之心實至名亦隨之會集精能之益知人
則哲雖神明不敢矜其能而任官惟賢斯宰相不

能辭其責此其難其慎所以合萬姓而大王言官
中府中所以共一體而無異畫也方今法制修明
德化洋溢朝無佞位大則法而小則廉野無遺賢
落其材而取其實天工人代濟濟者盡九官岳牧
之班民欲天從穰穰者際四海澄清之日不信乎
鉅細之無遺而疏逃之不隔也哉彼夫實效罔聞
虛名是驚清談遺害於蒼生名理何關於庶務甚
至希蹤高尚邱園有充隱之人刻意撝謙中書爲
伴食之具旣張弛之道乖奚風聲之足樹坐使此

重日盱空傳衛士之餐十畝桑間共效伐檀之賦

日思誤書賦

以題
爲韻

緬探索於前修識性情之寧謚觀大意于渺茫悟
微言于散佚縱簡脫而編殘自神凝而志壹苟博
引而繁徵反玩時而廢日或點畫之微差或偏旁
之偶失但有象而可求亦何思之不悉濬活潑之
心源見光明於虛室惟妙義之環生乃卮言之日
出則有北朝佳士邢氏良規無書不讀有誤皆知
豈字斟而句酌乃俯讀而仰思堆萬卷於北窓丹

鉛不御惜三餘之愛日研討須時冥迹以求似有
百靈之助偶然而得真成一字之師何必一癡相
遺漫謬借刊其謬但使百城自擁不虞歸送之遲
况乎玉列千函牙排四庫紛綸三代之遺瑣碎百
家之註窮年之力尚恐未盡其藏相對而讐何暇
更覓其趣別風淮雨不妨疑以傳疑亥豕魯魚何
至誤而再誤不刻意以求新若專思而溫故居多
暇日與自寄於羲皇樂此不疲意實鄙夫章句乃
知學本于靜道集於虛方自運其意匠固無事于

抄胥聊以自娛非作香薰之蠹亦復佳爾寧同獮
祭之魚費無益之精神徒勞楮墨探有名之竅妙
不廢居諸生右文之 盛世懷稽古之令譽仰

奎章之星煥窺中秘之芸儲既上窮夫墳典亦下
逮夫虞初未獲論難石渠敢自許無雙之士幸得
翱翔東觀尚思讀未見之書

一目羅賦

以得鳥者羅
之一目爲韻

立賢貴於無方取士期其必得溯往哲之嘉謨式
恢宏之令德苟欲廣夫旁求斯不牽於繩墨遠莫

隔於江湖微不遺夫枳棘入吾穀者無非世之英雄羅而致之奚問山之南北爾乃取譬於從禽寓言於得鳥結罝惟恐其或疎數獲無嫌於過少得之有道何妨三面之寬執則無權莫見方隅之小但使張羅以待飛飛者自見獲於紐中倘必刻迹以求冥冥者已高翔於雲表蓋君子不可虛拘而治理無容苟假羅以致鳥則驅而納也無難目以經羅則決而脫者蓋寡苟誠意之相孚乃依人而欲下豈至翻飛無迹空託慕於弋人詭遇崇朝徒

見羞於御者若乃權輿致慨翟籥與歌飛鴻之顧
何謬腐鼠之嚇則那旣徇名而鮮實復執少以求
多是何異乎放心而馳妄意高飛之鵠見獵而喜
空張一目之羅乎夫國以得人爲盛而士以利見
爲期方將瞻其鳳翮豈有待於鷓毚千里聖百里
賢唯君所致欲左左欲右右寧曰盡之故以禮爲
羅喜高人之入幕見疑則舉匪好爵之能縻 皇
上動天文安地質蜚英聲騰茂實恢獵德之網野
無遺賢用漸陸之儀教亦多術鵬飛鯤化佇看激

弱水之三鷺序鷓行寧止借上林之一是以有感
斯來無思不服抗迹青霄奮身幽谷無私傍廷尉
之門失時笑太傅之鵬豈若鋪揚羽獵侈談夫絡
野籠山瑣屑棲翔漫數乎交睛旋目也哉

多歲堂賦集